



**Sámi
allaskuvla**

OAHPPOPLÁNA

**BOAZOEALÁHUSA SIIDDASTALLAN JA
EATNAMAT**

10 oahppočuoggá

1. OAHPPOOVTTADAGA NAMMA

Boazoealáhusa siiddastallan ja eatnamat
Siida og siidaland i reindriftnærigen
Reindeer herding siida and siidalands

2. OPPALAŠ DIEÐUT OAHPU BIRRA

- OAHPPOVTTADAGA KODA: BEA 201
- VIIDODAT: 10 oahppočuoggá
- OAHPU LÁGIDEAPMI: Neahttadoarjjaoahpahas: Eanaš fysalaš oahppodeaivvadeamit Sámi allaskuvllas, ja lassin neahttaoahpahas.

3. OAHPPOPROGRÁMMA GULLEVAŠVUOHTA

Oahppoovttadat lea geatnegahtton čieknjudanoahppu Boazoealáhus bachelorprográmmas.

4. SISABEASSANGÁIBÁDUSAT

Dábálaš sisabeassangáibádusat alitoahpahussii. Sisabeassanvuodđu sáhtá leat juogo oppalaš lohkan gelbbolašvuota (čáđahan joatkkaskuvlla/logahaga) dahje realagelbbolašvuota. Dasa lassin galgá ohcci čáđahan dahje čádaheame boazoealáhus bachelorprográmma geatnegahtton fágaoahpuid (gč prográmmaplána), dahje vástideaddji oahpuid.

Sámegiela gáibádusa sáhtá deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje ođđaáigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámegiela gáibádusa sáhtá maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuota man dási gelbbolašvuota ohccis lea, de ášši ovddiduvvo fágalaš árvoštallamii ja meannuduvvo dán vuodul.

5. OAHPAHUSGIELLA

Oahpahas lágiduvvo dábálaččat sámegillii, muhto sáhtá muhtun logaldallan dáro- dahje ruohtagillii dehe engelasgillii. Oahpahas engelasgillii ii dulkojuvvo. Eará gielaid oahpahas dulkojuvvo dárbbu mielde.

6. SISDOALLU

Oahpus studeanta oázžu vuodđodieđuid das mii badjesámi siida lea ja das movt iešguđet eatnamat oktii dahket vuodu siiddastallamii. Siidda ja dasa gullevaš eatnamiid oktavuoda čilgemii váldojit atnui

sihke siidasáhkavuđot ja čálalaš dutkanvuđot diedut ja sáгат. Dás lea badjesámi doahpagiin ja árbevirolaš muitalanvugiin dehálaš sadji.

7. OAHPPANJOKSOSAT

Diehtu:

Studeanta

- diehtá váldobeliid siiddas ja váldovugiid siiddastallamis nugo dat leat leamaš árbevirolaččat
- diehtá váldobeliid bohccuid luonddus ja dárbbuin, ja movt daid vuhtiiváldimiin lea siidadoallu áiggiid čađa leamaš heivehuvvon eatnamiidda
- diehtá jahkodagaid rievddademiid ja siiddaid heivehallamiid daidda nugo dat leat leamaš
- diehtá siiddastallama gulahallanvugiid ja diehto- ja máhttohálddašeami nugo dat lea leamaš
- diehtá ođđaset áiggi váldo servodatrievdamiid mat lágiset mielde leat váikkuhan siidadollui
- diehtá movt bohcco eallinbiras lea maiddái mánnggabealat ja mánnggalunddot meahcceeallima biras

Máhttu:

Studeanta

- máhtta guorahallat váldočuolmmaid mat leat čuožžilan das go siidavuogádat lea deaivvadan boazodoallolágaiguin, almmolaš boazodoallohálddašemiin ja servodatrievdamiin
- máhtta guorahallat ja bidjat ovdan váldohástalusaid maid dálkkádatrievdamat, eanangáržžideamit ja meahcce- ja siidadoallanbirrasat dagahit
- máhtta guorahallat movt ođđa veahkkeneavvut, gulahallan- ja bargovuogit váikkuhit iešguđet beliide mat gullet siiddastallamii

Obbalaš gelbbolašvuohta:

Studeanta

- dovdá vuoduid dasa movt sáhtta árvvoštallat siidda ja siidadoalu guoddevažžan ovdalaččas boahhteáigái
- konkrehtalaš nuppastusáššiid čuovggas máhtta hábmet, guorahallat ja árvvoštallat gažaldagaid mat gusket siiddastallamii ja bohcco eallinbirrasii
- oaidná movt siidadoallu lea oassin mánnggabealat eallinbirrasis, ja das maiddái viidát vuhtiiváldimušaid ja obbalaš árvvoštallama dárbbu guovlluid vára váldima hárrái

8. OAHPAHAN- JA OAHPPANVUOGIT

Oahpahuš lágiduvvo logaldallamin, joavkobargun ja čuovvovaš studeantaságastallamin, ja bagadallamin. Dollojit fysalaš oahpahušdeaivvadeamit Sámi allaskuvllas, ja maiddái dollo neahttaoahpahuš.

9. GÁIBÁDUSAT BEASSAT EKSÁMENII

Ovdal beassá eksámenii, studeanta galgá:

- searvan deaivvademiid ja neahttaoahpahussii, unnimusat 75%.
- čađahan ovtta bargogáibádusa, mii sáhtta leat 2-3 siidosaš čálalaš bargu dehe 10 minuhtasaš njálmmálaš ovdanbidjan mii lea álgun eksámenbargui.

10. EKSÁMEN

Čálalaš ruovttueksámen mas studeanta ovdanbuktá iešválljejuvvon čuolmma/fáttá. Vástádusa guhkkodat lea 6 - 8 siiddu.

Eksámenbargu árvvoštallojuvvo ECTS-vuogádaga árvosániid mielde, mas buoremus árvosátni lea A ja vuolimus ceavzinárvosátni lea E. F árvosátni mearkkaša ahte ii leat ceavzán.

11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?

Ii leat.

12. KVALITEHTASIHKKARASTIN

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágaraportta vuodul.